

Rumantsch è ina lingua naziunala, ma ina lingua parzialmain uffiziala da la Confederaziun, numnadain en la correspundenza cun persunas da lingua rumantscha. La translaziun d'in relasch federal serva a l'infurmaziun, n'ha dentant nagina validad legala.

Lescha federala davart l'utilisaziun da las forzas d'aua (Lescha davart il dretg da las auas, LDA)¹

dals 22 da december 1916 (versiun dal 1. da schaner 2018)

*L'Assamblea federala da la Confederaziun svizra,
applitgond ils artitgels 23 e 24^{bis} da la Constituziun federala²,
sunter avair gi' invista da la missiva dal Cussegl federal dals 19 d'avrigl 1912³,
concluda:*

Emprim chapitel: Dretg da disponer da las auas

Art. 1

A. Survegianza
suprema da la
Confederaziun

¹ La Confederaziun exequescha la surveglianza suprema davart l'utilisaziun da las forzas idraulicas da las auas publicas e privatas.

² Sco auas publicas en il senn da questa lescha valan ils lais, ils flums, ils auals ed ils chanals, per ils quals i n'è cumprovada nagina proprietad privata, e las auas ch'èn bain en proprietad privata, ma che survegnan dals chantuns – areguard l'utilisaziun da las forzas idraulicas – il medem status sco las auas publicas.

Art. 2

B. Disposiziun
en virtid dal
dretg public
I. Dretgs dals
chantuns
1. Communitad
autorisada
da disponer

¹ Il dretg chantunal fixescha, tge communitad (chantun, district, vischnanca u corporaziun) che ha il dretg da disponer da la forza idraulica da las auas publicas.

² Las disposiziuns dal dretg chantunal actual che concedan als cunfinants da las rivas il dretg da disponer da la forza idraulica d'auas publicas, restan en vigor fin a lur aboliziun tras ils chantuns.

AS 33 189 e BS 4 729

- ¹ Integrà tras la cifra I da la LF dals 13 da dec. 1996, en vigor dapi il 1. da matg 1997 (AS 1997 991; BBI 1995 IV 991).
- ² [BS 1 3; AS 1976 711]. A las disposiziuns numnadas correspundan oz ils art. 76 e 81 Cst. dals 18 d'avr. 1999 (SR 101).
- ³ BBI 1912 II 669, 1916 III 411

Art. 3

2. Cuntegn dal dretg da disponer
a. En general

¹ La communitad autorisada da disponer po utilizar sezza la forza idraulica u conceder il dretg d'utilisaziun a terzas persunas.

² Ad ina communitad po il dretg d'utilisaziun vegnir surdà er en in'otra furma che tras ina concessiun.⁴

Art. 4

b. Approvaziun tras il chantun

¹ Sch'ils districts, las vischnancas u las corporaziuns han il dretg da disponer da la forza idraulica, sto l'autorità chantunala mintgamai approvar la concessiun dal dretg d'utilisaziun a terzas persunas sco er l'atgna utilisaziun da vart da las communitads autorisadas da disponer.

² L'approvaziun sto vegnir refusada, sch'il gener da l'utilisaziun previsa cuntrafa al bainstar public u a l'utilisaziun cunvegenta da l'aua.

Art. 5

II. Dretgs da la Confederaziun
1. En general

¹ Il Cussegl federal decretescha las disposiziuns generalas necessarias per promover e per segirar l'utilisaziun cunvegenta da las forzas idraulicas.

² Ultra da quai po el decretar prescripziuns spezialas per tschertas auas u per tscherts trajects d'aua.

³ L'Uffizi federal d'energia⁵ (uffizi federal) è autorisà d'examinar ch'ils plans da las ovras previsas correspundian en lur concepziun generala a l'utilisaziun cunvegenta da las forzas idraulicas.⁶

Art. 6⁷

2. En cas d'auas situadas sin il territori da plirs chantuns

¹ Sch'in traject d'aua ch'è situà sin il territori da plirs chantuns duai vegnir utilisà, u sche plirs trajects d'aua ch'èn situads en plirs chantuns duain vegnir utilisads en in'unica e medema ovra idraulica, e sch'ils chantuns pertutgads n'arrivan betg da sa cunvegner, decida il Departament federal per ambient, traffic, energia e comunicaziun⁸ (departament) suenter avair tadlà ils chantuns.

² Il departament sto tegnair quint duidamain da la legislaziun dals chantuns sco er dals avantatgs e dals dischavantatgs che l'ovra ha per els.

⁴ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁵ La designaziun da l'unitad administrativa è vegnida adattada applitgond l'art. 16 al. 3 da l'O dals 17 da nov. 2004 davart las publicaziuns uffizialas (AS 2004 4937).

⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁷ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁸ Designaziun tenor il COCF betg publictà dals 19 da dec. 1997.

³ Sche l'ovra idraulica planisada avess ina influenza negativa sproporzionada sin ils abitadis u sin la basa d'existenza da la populaziun d'in chantun pervia da la midada dal curs d'aua u pervia dal diever da terren, duai il departament surdar la concessiun mo cun il consentiment da quest chantun.

Art. 7⁹

3. En cas d'auas internaziunalas

En cas da trajects d'aua che tangheschan il cunfin naziunal ha il departament – suenter avair tadlà ils chantuns pertutgads – il dretg da constituir ils dretgs d'utilisaziun u da permetter a la communitad autorisada da disponer, d'utilisar senza las forzas idraulicas.

Art. 7a¹⁰

3bis. En cas da l'utilisaziun d'implants d'accumulaziun

¹ Per ademplir las obligaziuns da dretg internaziunal da la Confederaziun po il departament – suenter avair tadlà ils chantuns e las varts pertutgadas – decretar ordinaziuns per l'utilisaziun d'implants d'accumulaziun.

² Sche talas mesiras intervegnan en dretgs bain acquistads, sto l'indemnisaziun debitada en il rom da l'artitgel 43 alineia 2 vegnir surpigliada da la communitad autorisada da disponer.

Art. 8¹¹

4. Export d'aua u da forza electrica

¹ Per exportar aua sco er forza electrica producida tras forza idraulica dovri ina permissiun dal departament.

² La permissiun duai vegnir concedida mo, sche l'export n'ha betg ina influenza negativa sin il bainstar public, e mo, sche l'aua u l'energia electrica na chatta previsiblamain nagina utilisaziun cunvegnetta en Svizra durant il temp da la permissiun.

³ La permissiun vegn concedida per ina durada limitada e sut las cundiziuns fixadas dal departament; ella po dentant vegnir revocada da tut temp per motivs dal bainstar public, cun pajar ina indemnisaziun. L'indemnisaziun vegn fixada sin basa da la permissiun u – sche quella na cuntegna nagut – tenor apprezziar.

⁹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹⁰ Integrà tras la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹¹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

Art. 9¹²

5. Deviazium
d'in chantun
en in auter

¹ La deviazium d'energia electrica en auters chantuns dastga vegnir prestrenschida mo, uschenavant ch'ils interess publics dal chantun exportant giustifitgeschan quai.

² En cas da disputa decida il departament.

Art. 10

6. Restricziun
contractuala
dal territori da
distribuziun

¹ Ils proprietaris d'ovras idraulicas che consegnan energia electrica ston preschentar al departament, sin dumonda, las cunvegns ch'els han fatg cun autras ovras idraulicas cun l'intent da scumandar la consegna d'energia en in tschert territori. Il departament è autorisà da disponer la midada da questas cunvegns, sch'ellas cuntrafan a l'interess public.¹³

² Las prescripziuns da quest artitgel vegnan applitgadas correspunden-tamain per commerziants intermediars.

Art. 11

7. Dretg
da disponer
da las auas
nunutilisadas

¹ Sche districts, vischnancas u corporaziuns autorisadas da disponer n'utiliseschan – durant in temp pli lung e senza motivs relevants – betg sezs e na laschan er betg utilizar terzas personas in'aua, malgrà offertas cunvegnetas, po la regenza chantunala conceder il dretg d'utilisaziun en lur num.

² Cunter la decisiun da la regenza chantunala pon las varts pertutgadas recurrer entaifer 30 dis tar il departament.¹⁴

Art. 12

8. Diever per
intents federal
a. Dretg da la
Confederaziun

¹ La Confederaziun è autorisada da far diever d'ina aua per sias interpresas da transport.¹⁵

^{1bis} Ella tegna quint dals basegns e da las pussaivladads da svilup dals territoris da provegnientscha da las auas e dals chantuns pertutgads, en spezial da lur interess d'utilisar sezs la forza idraulica.¹⁶

¹² Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹³ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹⁴ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹⁵ Versiun tenor la cifra I da la LF dals 21 da zer. 1985, en vigur dapi il 1. da schan. 1986 (AS 1985 1839; BBl 1984 III 1441).

¹⁶ Integrà tras la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

² Sch'in traject d'aua vegn gia utilisà, è la Confederaziun autorisada d'acquistar il dretg d'utilisaziun ed ils stabiliments existents cun expropriar ils titulars dals dretgs d'utilisaziun ubain cun far valair il dretg da recumpra u da return.

³ Sche la Confederaziun n'ha anc nagina utilisaziun per la forza idraulica acquistada, po ella surlaschar il dretg d'utilisaziun en il fratemp a terzas personas.

Art. 13

b. Indemnisaziun da la communitad autorisada da disponer

¹ Sche la Confederaziun fa diever d'in traject d'aua betg anc utilisà, sto ella indemnisar a la communitad autorisada da disponer la perdita da la taxa da concessiun e dal tschains d'aua.

² Sch'il traject d'aua vegniva gia utilisà, sto la Confederaziun indemnisar a la communitad autorisada da disponer la perdita ch'ella subescha tras il diever dal dretg d'utilisaziun, en spezial la perdita dal tschains d'aua e – sche quai è giustifitgà en il cas singul – la perdita dal dretg da recumpra e da return.

³ Sch'in chantun incassescha ina taglia speziala en il senn da l'artitel 49 alinea 3 il mument che la Confederaziun fa diever dal traject d'aua, sto la perdita da questa taglia vegnir indemnizada al chantun.

⁴ ...¹⁷

Art. 14

c. Cumpensaziun fiscal

¹ Sche la Confederaziun fa diever da forzas idraulicas sin il territori dals chantuns, als sto ella pajar ina indemnisaziun dad 11 francs per onn e per kilowatt prestaziun brutta installada sco cumpensaziun per lur perdita da taglias chantunalas, communalas e d'ulteriuras taglias.¹⁸

^{1bis} L'alinea 1 è er applitgabel, sche la Confederaziun utilisescha las forzas idraulicas sin fundament d'ina concessiun u d'in auter titel giuridic.¹⁹

^{1ter} L'indemnisaziun per la perdita da taglias na duai betg surpassar l'import da taglia che stuess vegnir pajà, sch'ina societad anonima d'ina ovra partenaria utilisass las forzas idraulicas.²⁰

¹⁷ Aboli tras la cifra 29 da l'aggiunta da la LF dals 4 d'oct. 1991, cun effect dapi il 1. da schan. 1994 (AS 1992 288, 1993 877 art. 2 al. 1; BBl 1991 II 465).

¹⁸ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹⁹ Integrà tras la cifra I da la LF dals 21 da dec. 1967, en vigur dapi il 1. da fan. 1968 (AS 1968 801; BBl 1967 I 1025).

²⁰ Integrà tras la cifra I da la LF dals 21 da dec. 1967, en vigur dapi il 1. da fan. 1968 (AS 1968 801; BBl 1967 I 1025).

² Sch' ils trajects d'aua utilisads èn situads sin il territori da plirs chantuns, vegn fixada la quota da mintga chantun tenor la proporziun, en la quala el contribuescha a l'exploataziun da la forza idraulica.

³ Igl è chaussa dal chantun da pajar – dal tuttafatg u per part – l'indemnisaziun survegnida a las vischnancas, als districts u ad autras corporaziuns che subeschan ina perdita da taglias.

⁴ ...²¹

Art. 15

9. Cumpensaziun da la deflussiun
a. Execuziun da lavurs

¹ En l'interess d'utilisar meglier las forzas idraulicas ed en l'interess da la navigaziun po la Confederaziun ordinar – suenter avair tadlà ils chantuns – lavurs per regular il nivel da l'aua e la deflussiun dals lais sco er la construcziun da batschigls collecturs artificialis. Sch'il diever da terren avess ina influenza negativa sproporziunada sin ils abitadis u sin la basa d'existenza da la populaziun d'in chantun, dovri il consentiment da quest chantun.

² Davart la realisaziun da talas ovras e davart la repartiziun dals custs sin la Confederaziun e sin ils chantuns decida l'Assamblea federala.

³ Sche plirs chantuns èn pertutgads, vegn fixada la quota da mintga chantun tenor la proporziun da ses interess.

⁴ Las vischnancas, las corporaziuns e las personas privatas pertutgadas pon vegnir obligadas da l'autorità chantunala cumpetenta da sa participar als custs en proporziun dals avantatgs che resultan per ellas tras l'execuziun da questas ovras. ...²²

Art. 16

b. Regulaziun da la deflussiun

La Confederaziun è autorisada da regular la deflussiun dals lais e dals batschigls collecturs construids cun sia cooperaziun.

Art. 17

C. Disposiziun en virtid dal dretg privat
I. Surveglianza da l'utilisaziun tras las personas autorisadas

¹ Per utilizar las auas privatas u las auas publicas en virtid dal dretg privat dals confinants da las rivas (art. 2 al. 2) dovri la permissiun da l'autorità chantunala cumpetenta.

²¹ Aboli tras la cifra 29 da l'aggiunta da la LF dals 4 d'oct. 1991, cun effect dapi il 1. da schan. 1994 (AS 1992 288, 1993 877 art. 2 al. 1; BBl 1991 II 465).

²² Aboli la segunda frasa tras la cifra 29 da l'aggiunta da la LF dals 4 d'oct. 1991, cun effect dapi il 1. da schan. 1994 (AS 1992 288, 1993 877 art. 2 al. 1; BBl 1991 II 465).

² L'autorità controllescha che las prescripziuns federalas e chantunals davart la polizia da construcziuns idraulicas vegnian observadas e ch'ils dretgs d'utilisaziun existents na vegnian betg violads.

³ Ils artitgels 5, 7a, 8 ed 11 sco er il segund chapitel valan tenor il senn.²³

Art. 18²⁴

II. Taxaziun
da las ovras
idraulicas

Sch'il chantun incassescha ina taxa statale speziala sin l'energia electrica producida da las ovras idraulicas ch'èn vegnidas stabilidas en virtid dal dretg privat, na duai questa taxa betg surpassar il tschains d'aua tenor l'artitgel 49 per las ovras che han survegnì ina concessiun.

Art. 19²⁵

III. Expropriaziun

¹ Sch'ina interpresa che serva al bainstar public basegna la forza idraulica d'ina aua, da la quala l'utilisaziun è l'object d'in dretg privat (art. 17), e sch'il chantun na la conceda betg il dretg d'expropriar questas forzas idraulicas sco er ils bains immobigliars u ils dretgs reals necessaris per l'ovra, la po il departament conceder il dretg d'expropriaziun tenor il dretg federal.

² Sche l'expropriaziun vegn fatga da la Confederaziun, valan en tut ils cas il dretg federal d'expropriaziun sco er l'artitgel 12 alinea 1^{bis}.

Art. 20²⁶

IV. Cumpensa-
ziun fiscalà

¹ Sche la Confederaziun acquista la forza idraulica d'ina aua publica dal cunfinant da la riva ch'è autorisà da disponer (art. 2 al. 2), sto ella indemnisar al chantun la perdita da la taglia u da la taxa speziala ch'el era autorisà d'incassar sin l'energia electrica producida tenor sia legislaziun il mument da l'acquist (art. 18).

² Plinavant sto la Confederaziun pagar al chantun ina indemnisiun dad 11 francs per onn e per kilowatt prestaziun brutta installada sco cumpensaziun per sia perdita da taglias chantunals, communalas e d'ulteriuras taglias; l'artitgel 14 vala tenor il senn.

²³ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

²⁴ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

²⁵ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

²⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

Segund chapitel: Utilisaziun da las auas

Art. 21²⁷

A. Survegianza da las autoritads
I. Protecziun da la polizia da construcziuns idraulicas

¹ Las ovras idraulicas duain correspunder a las prescripziuns federalas e chantunalas davart la polizia da construcziuns idraulicas.

² Avant il cumenzament da las lavurs ston ils plans da las ovras idraulicas vegnir publictgads uffizialmain, fixond in termin da protesta adequat.

³ Avant che pudair construir ovras idraulicas en auas ch'eran vegnidas curregidas cun agid da subvenziuns federalas, ston quellas vegnir approvadas dal departament.

Art. 22

II. Protecziun da la bellezda da la cuntrada

¹ Las bellezdas da la cuntrada ston vegnir schanegiadas; là, nua ch'igl exista in interess general predominant, ston ellas vegnir mantegnidas senza restricziuns.

² Las ovras idraulicas ston vegnir exequidas uschia, ch'ellas na disturban betg u mo minimalmain il maletg da la cuntrada.

³ La Confederaziun paja a las communitads pertutgadas contribuziuns da cumpensaziun per indemnisar perditas considerablas da l'utilisaziun da la forza idraulica, uschenavant che questas perditas èn d'attribuir al mantegniment ed a la protecziun da cuntradas d'impurtanza naziunala degnas da vegnir protegidas.²⁸

⁴ ...²⁹

⁵ Il Cussegl federal regla la concepziun da las contribuziuns da cumpensaziun.³⁰

Art. 23

III. Protecziun da la pestga

Ils possessurs da las ovras idraulicas èn obligads da construir ils in-driz adattads per la protecziun da la pestga, da meglierar quests in-driz en cas da basegn ed insumma da prender tut las mesiras cunvegnetas.

²⁷ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

²⁸ Integrà tras l'art. 75 cifra 6 da la LF dals 24 da schan. 1991 davart la protecziun da las auas, en vigur dapi il 1. da nov. 1992 (AS 1992 1860; BBl 1987 II 1061).

²⁹ Integrà tras l'art. 75 cifra 6 da la LF dals 24 da schan. 1991 davart la protecziun da las auas (AS 1992 1860; BBl 1987 II 1061). Abolì tras la cifra II 15 da la LF dals 6 d'oct. 2006 davart la nova concepziun da la golvaziun da finanzas e da la repartiziun da las incumbensas tranter la Confederaziun ed ils chantuns (NGF), cun effect dapi il 1. da schan. 2008 (AS 2007 5779; BBl 2005 6029).

³⁰ Integrà tras l'art. 75 cifra 6 da la LF dals 24 da schan. 1991 davart la protecziun da las auas, en vigur dapi il 1. da nov. 1992 (AS 1992 1860; BBl 1987 II 1061).

Art. 24³¹

IV. Protecziun
da la navigaziun
1. Trajets d'aua
navigabels

1 Navigabel en il senn da questa lescha è il Rain da Rheinfelden vers engiu, cun ils lieus da port essenzials Birsfelden, Birsfelden-Au, Basilea-St. Johann e Basilea-Kleinhüningen.

2 Resalvada è la pussaivladad da render navigabels ils suandants trajects d'aua, inclusiv ils lieus da port essenzials:

- a. il Rain, dal territori da la sbuccada da l'Aara fin a Rheinfelden;
- b. il Rodan, dal Lai da Genevra fin al cunfin naziunal.

3 Dal rest fixeschan ils chantuns – en il rom dal dretg davart la navigaziun interna – en tge dimensiun che las auas èn navigablas e tge stabiliments ch'els mettan a disposiziun u permettan per quest intent.

Art. 25³²

2. Tegnair liber
tras planisaziun

Per render navigabels ils trajects tenor l'artitgel 24 alinea 2 elavura la Confederaziun in plan sectorial tenor la Lescha federala dals 22 da zercladur 1979³³ davart la planisaziun dal territori. Ils plans directivs chantunals tegnan quint da quest plan tenor la lescha menziunada.

Art. 26³⁴

3. Mesiras
en cas d'ovras
idraulicas

1 En trajects d'aua tenor l'artitgel 24 alineas 1 e 2 ston ovras idraulicas vegnir concepidas uschia, che la navigabladad resta garantida u po vegnir extendida respectivamain ch'igl è pussaivel da render navigabel pli tard il traject d'aua. En spezial sto vegnir tegnì liber il spazi necessari per installar stabiliments per la navigaziun gronda.

2 Il titular dal dretg d'utilisaziun è obligà da metter a disposiziun la quantidad d'aua ch'è necessaria per il funcziunament da las schlusas. Sche questa obligaziun chaschuna restricziuns da l'utilisaziun che surpassan las limitas fixadas en la concessiun, sto vegnir indemnissà il possessur. Sch'ins na chatta nagina enclegientscha, sto la concessiun vegnir restrenschiada correspondentamain tras expropriaziun.

31 Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

32 Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

33 SR 700

34 Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

Art. 27³⁵

4. Decisiun
davart l'exe-
cuziun

¹ Davart la pussaivladad da render navigabels ils trajects d'aua tenor l'artitgel 24 alinea 2 stoi vegnir decidi cun in conclus federal ch'è suttamesse al referendum facultativ.

² In contract internaziunal correspondent na dastga betg vegnir approvà avant l'entrada en vigur dal conclus federal.

Art. 28

V. Flottaziun

¹ En cas da novas ovras idraulicas è il possessur obligà da construir e da tegnair en funcziun ils indrizs da flottaziun necessaris, sch'ils custs resultants stattan en ina proporziun commensurada cun l'impurtanza da la flottaziun.

² En cas d'ovras idraulicas existentas po il possessur vegnir obligà da construir e da tegnair en funcziun novs stabiliments da flottaziun mo, sch'el survegn ina indemnizaziun duida. ...³⁶

Art. 29³⁷

VI. Idrometria
1. Basas

¹ La Confederaziun ed ils chantuns han il dretg da far retschertgas idrometricas en auas privatas e publicas e d'exequir las lavurs necessarias, en spezial d'installar staziuns da mesiraziun. Sche necessari, pon els acquistar ils dretgs ed ils bains immobigliars necessaris tras expropriaziun. Ils chantuns pon exequir l'expropriaziun tenor il dretg federal.

² Ils possessurs d'ovras idraulicas sco er da stabiliments per la regulaziun dal nivel da l'aua e da la deflussiun da lais pon vegnir obligads da mesirar ils levels da l'aua e las quantitads d'aua en il sector da lur stabiliments. Els fan las retschertgas tenor las directives da la Confederaziun e la communitgeschan ils resultats.

³ En enclegientscha cun il possessur po la Confederaziun far las retschertgas tenor l'alinea 2. Sche quellas èn necessarias pervia dal stabiliment, van ils custs a quint dal possessur; cas cuntrari vegnan ils custs surpigliads da la communitad che ha ordinà las retschertgas.

⁴ Las retschertgas previsas en la Lescha federala dals 24 schaner 1991³⁸ davart la protecziun da las auas restan resalvadas.

³⁵ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

³⁶ Aboli la segunda frasa tras la cifra 29 da l'aggiunta da la LF dals 4 d'oct. 1991, cun effect dapi il 1. da schan. 1994 (AS 1992 288, 1993 877 art. 2 al. 1; BBl 1991 II 465).

³⁷ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

³⁸ SR 814.20

Art. 29a³⁹

2. Statisticas e retschertgas

¹ La Confederaziun elavura – ensemen cun ils chantuns – las statisticas necessarias per l'execuziun da questa lescha. En spezial fa ella survistas da las ovras idraulicas existentas sco er da las prelevaziuns e da las restituziuns d'aua.

² Ella fa retschertgas per:

- a. adimplir sias incumbensas sin il sector da l'utilisaziun da las auas;
- b. promover l'utilisaziun cunvegenta da las forzas idraulicas;
- c. promover la modernisaziun d'ovras idraulicas existentas.

³ Ella metta a disposiziun ils resultats en furma adequata.

Art. 30

VII. Access da las autoritads

Ils possessurs d'ovras idraulicas ed ils cunfinants da las rivas èn obligads da dar liber access als funcziunaris chantunals e federals che adempleschan incumbensas da la polizia da construcziuns idraulicas, da pestga e da navigaziun sco er lavurs idrometricas.

Art. 31

VIII. Register dals dretgs da las auas

¹ Ils chantuns ston manar in register dals dretgs e dals stabiliments ch'existan en las auas e che vegnan en consideraziun per l'utilisaziun da las forzas idraulicas.

² Il departament decretescha las prescripziuns necessarias per endrizzar e per manar quest register dals dretgs da las auas.⁴⁰

Art. 32B. Relaziun dals titulars dals dretgs d'utilisaziun tranter els
I. Resguard vicendaivel
a. En general

¹ Ils titulars dal dretg d'utilisaziun pon pretender ch'i vegnia, sche pussaivel, preni resguard da tut las parts participadas en connex cun la regulaziun dal nivel da l'aua e da la deflussiun da l'aua sco er cun l'execuziun dals dretgs d'utilisaziun.

² Ils detagls da l'utilisaziun, en spezial er da l'accumulaziun da las auas e da la prelevaziun d'objects che vegnan manads cun sai da las auas, vegnan reglads dals chantuns cun mantegnair ils dretgs d'utilisaziun existents; ils detagls vegnan reglads dal departament, sch'ils stabiliments èn situads en differents chantuns u en auas da cunfin.⁴¹

³⁹ Integrà tras la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

⁴⁰ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

⁴¹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

³ Sch'i n'è betg pussaivel da sa cunvegner ad ina cumpensaziun cunvegna tranter ils titulars dals dretgs d'utilisaziun senza restrenscher ils dretgs d'utilisaziun existents, po l'autorità cumpetenta restrenscher, sin dumonda, ils dretgs d'utilisaziun da singuls titulars cun agid d'ina indemnizaziun che sto vegnir pajada dals avantagiads. L'indemnizaziun fixada da l'autorità chantunala po vegnir contestada tenor il dretg chantunal davant in'autorità giudiziala en ultima istanza.⁴²

Art. 33

b. Obligaziun da pajar contribuziuns

¹ Sche possessurs d'ovras idraulicas tiran in niz considerabel e duravel or d'indrizs che terzas personas avevan già construi sin agens custs, als pon las terzas personas obligar da pajar contribuziuns periodicas u unicis als custs da construcziun e da mantegniment, uschenavant ch'els fan propi diever da lur niz ed uschenavant che la contribuziun na surpassa betg il niz.

² Las contribuziuns vegnan fixadas da l'autorità chantunala cumpetenta u – sche las ovras idraulicas pertutgan differents chantuns – dal departament.⁴³

³ Sche las circumstanzas giustifitgeschan quai, po l'autorità cumpetenta ordinar posteriuramain la constituziun d'ina associaziun da tut las parts pertutgadas.

Art. 34

II. Furmaziun d'associaziuns en spezial

1. Furmaziun voluntara

a. Fundaziun

Ils titulars dal dretg d'utilisar in'aua u in traject d'aua pon s'unir en in'associaziun cun l'intent d'installar indrizs per explotar u per multiplitgar la forza idraulica.

Art. 35

b. Dretg d'admissiun

¹ Mintga titular d'in dretg d'utilisaziun che ha in interess, po sa participar a l'associaziun dals titulars ch'èn participads a la medema aua u al medem traject d'aua.

² Sche las partidas n'arrivan betg da sa cunvegner, decida l'autorità chantunala cumpetenta davart l'admissiun e davart la participaziun dal nov commember a las grevezzas ed als avantatgs da l'associaziun e, sche necessari, davart la midada dals statuts; sch'ils stabiliments èn situads en differents chantuns, decida il departament en chausa.⁴⁴

⁴² Versiun da la frasa tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁴³ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁴⁴ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

³ Autras dispitas tranter ils associads vegnan giuditgadas da las dretgiras ordinarias.

Art. 36

2. Furmaziun
obligatorica
a. Premissas

¹ Sche la furmaziun d'ina associaziun porta in avantatg considerabel a la maiortad dals titulars dals dretgs d'utilisaziun da la medema aua u dal medem traject d'aua, po l'autorità chantunala cumpetenta ordinar la constituiziun da l'associaziun; sch' ils dretgs d'utilisaziun èn situads en differents chantuns e sche quels n'arivan betg da sa cunvegner, ordinescha il departament la constituiziun da l'associaziun.⁴⁵

² Questa ordinaziun dastga vegnir fatga mo, sche quai vegn dumandà da la maiortad dals pertutgads, che possedan a medem temp la maiortad da las forzas idraulicas, e sch' ils custs dals stabiliments da l'associaziun na surpissan betg la capacità dals singuls.

³ Sch' in dretg d'utilisaziun vegn concedi suenter la constituiziun da l'associaziun, po l'autorità cumpetenta obligar il nov titular dal dretg d'utilisaziun da sa participar a l'associaziun e da pajar ina summa d'entrada adequata.

Art. 37

b. Statuts

¹ Ils statuts fixads d'ina associaziun obligatorica ston vegnir approvads da l'autorità cumpetenta; sch' ils commembers n'arivan betg da sa cunvegner, fixescha l'autorità ils statuts.

² Ils statuts duain reglar la commembranza e l'organisaziun da l'associaziun, la participaziun als avantatgs ed a las grevezzas dals stabiliments cuminaivels, la midada dals statuts sco er la schliaziun da l'associaziun.

³ Mintga midada dals statuts sto vegnir approvada da l'autorità cumpetenta.

⁴ En cas da circumstanzas midadas u per motivs da duaivladad po l'autorità midar posteriuramain ils statuts da sai anora suenter avair tadlà l'associaziun.

⁵ Dispitas davart l'obligaziun d'admissiun, davart la participaziun dals commembers als avantatgs ed a las grevezzas, davart la midada dals statuts u davart la schliaziun da l'associaziun vegnan decididas da l'autorità cumpetenta; auters cas da dispita vegnan giuditgads da las dretgiras ordinarias.

⁴⁵ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

Terz chapitel: La concessiun da dretgs da las auas

Art. 38

A. Cumpetenzza ¹ La concessiun da dretgs da las auas è chausa da l'autorità cumpetenta da quel chantun, sin il territori dal qual sa chatta il traject d'aua che vegn utilisà.

² Dretgs da las auas vi da trajects d'aua che sa chattan en differents chantuns vegnan concedids dals chantuns pertutgads en in'enclegientscha cuminaivla. Sch'ils chantuns n'arrivan betg da sa cunvegnir entaifer in termin adequat, surdat il departament la concessiun. El decida er, sch'ils chantuns n'arrivan betg da sa cunvegnir davart la dimensiun u davart l'execuziun cuminaivla da lur dretgs fixads en la concessiun.⁴⁶

³ Ultra da quai conceda il departament ils dretgs da las auas vi da trajects d'aua che tutgan il cunfin naziunal.⁴⁷

Art. 39

B. Consideraziun dals interess publics L'autorità resguarda en sia decisiun il bainstar public, l'utilisaziun economica da l'aua ed ils interess ch'existan vi da quella.

Art. 40

C. Il concessiunari
I. En general ¹ La concessiun vegn surdada per ina tscherta persuna natirala u giuridica u per ina societad da persunas.

2-4 ...⁴⁸

Art. 41

II. En cas da plirs concurrents En cas da plirs concurrents vegn preferi quel, dal qual l'interpresa serva pli fitg al bainstar public e, sche quai è il cas tar tuts, quel, dal qual l'interpresa procura il meglier per l'utilisaziun economica da l'aua.

Art. 42

III. Transferiment ¹ La concessiun po vegnir transferida ad in auter mo cun il consentiment da l'autorità da concessiun.⁴⁹

⁴⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁴⁷ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁴⁸ Aboli tras la cifra I da la LF dals 13 da dec. 1996, cun effect dapi il 1. da matg 1997 (AS 1997 991; BBl 1995 IV 991).

⁴⁹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

² L'autorità na duai betg refusar ses consentiment, sch'il nov acquistader ademplescha tut las premissas da la concessiun e sche nagins motivs dal bainstar public na s'opponan al transferiment.⁵⁰

³ ...⁵¹

Art. 43

D. Il dretg d'utilisaziun
I. Privaziun tras l'autorità

¹ A norma da l'act da concessiun dat la concessiun al concessiunari in dretg bain acquistà d'utilisar l'aua.⁵²

² Il dretg d'utilisaziun concedi ina giada po mo vegnir revocà u reduci per motivs dal bainstar public e cunter indemniziun cumplaina.

³ ...⁵³

Art. 44

II. Disturbi tras edifizis publics

¹ Sch'il concessiunari vegn restrenschi duraivlamain en l'utilisaziun da sia forza idraulica tras lavurs publicas che midan il curs d'aua e sch'el na po betg – u mo cun custs sproporzionadamain gronds – evitar la perdita cun adattar sia ovra al curs d'aua midà, ha el il dretg d'ina indemniziun.⁵⁴ Sin sia dumonda fixescha l'autorità, che lascha far las lavurs, l'indemniziun.⁵⁵

² Sche la construcziun u la gestiun d'ina ovra idraulica vegn engrevgiada u interrutta temporarmain tras construcziuns da correcziun u tras autras lavurs da la polizia da construcziuns idraulicas, n'ha il concessiunari nagin dretg d'ina indemniziun, nun che las lavurs vegnian retardadas nunnecessariamain.⁵⁶

³ ...⁵⁷

⁵⁰ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

⁵¹ Aboli tras la cifra I da la LF dals 13 da dec. 1996, cun effect dapi il 1. da matg 1997 (AS 1997 991; BBI 1995 IV 991).

⁵² Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

⁵³ Aboli tras la cifra 29 da l'aggiunta da la LF dals 4 d'oct. 1991, cun effect dapi il 1. da schan. 1994 (AS 1992 288, 1993 877 art. 2 al. 1; BBI 1991 II 465).

⁵⁴ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

⁵⁵ Versiun tenor la cifra 29 da l'aggiunta da la LF dals 4 d'oct. 1991, en vigur dapi il 1. da schan. 1994 (AS 1992 288, 1993 877 art. 2 al. 1; BBI 1991 II 465).

⁵⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

⁵⁷ Aboli tras la cifra 29 da l'aggiunta da la LF dals 4 d'oct. 1991, cun effect dapi il 1. da schan. 1994 (AS 1992 288, 1993 877 art. 2 al. 1; BBI 1991 II 465).

Art. 45⁵⁸

III. Relaziun
cun terzs
1. En general

Tras la concessiun na vegnan betg pertutgads ils dretgs privats da terzas persunas e las anteriuras concessiuns.

Art. 46⁵⁹

2. Expropriaziun
a. Concessiun
dal dretg
d'expropriaziun

¹ Sche motivs dal bainstar public èn avant maun, duai l'autorità da concessiun accordar al concessiunari il dretg d'acquistar per forza ils bains immobigliars ed ils dretgs reals ch'èn necessaris per construir, per midar u per engrondir sia ovra, sco er ils dretgs d'utilisaziun che s'opponan a quai.

² Dispitas davart l'obligaziun da cessiun decida l'autorità da concessiun, sch'i sa tracta da l'expropriaziun d'in dretg d'utilisaziun concedi dad ella pli baud, decida il departament.

³ Sch'i ston – per construir in'ovra idraulica – vegnir duvrads bains immobigliars che sa chattan en in auter chantun ch'il chantun da concessiun, conceda il departament il dretg d'expropriaziun.⁶⁰

⁴ Sche la concessiun vegn surdada dal departament, ha il petent da la concessiun il dretg d'expropriaziun tenor la Lescha federala dals 20 da zercladur 1930⁶¹ davart l'expropriaziun (LExp).⁶²

Art. 47⁶³

b. Dretg
applitgabel

La procedura d'expropriaziun e l'obligaziun d'indemnisaziun sa driz-zan tenor la LExp⁶⁴; disposiziuns divergentas da la lescha qua avant maun restan resalvadas.

⁵⁸ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁵⁹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁶⁰ Versiun tenor la cifra I 6 da la LF dals 18 da zer. 1999 davart la coordinaziun e la simplificaliun da las proceduras da decisiun, en vigur dapi il 1. da mars 2000 (AS 1999 3071; BBl 1998 2591).

⁶¹ SR 711

⁶² Integrà tras la cifra I 6 da la LF dals 18 da zer. 1999 davart la coordinaziun e la simplificaliun da las proceduras da decisiun, en vigur dapi il 1. da mars 2000 (AS 1999 3071; BBl 1998 2591).

⁶³ Versiun tenor la cifra I 6 da la LF dals 18 da zer. 1999 davart la coordinaziun e la simplificaliun da las proceduras da decisiun, en vigur dapi il 1. da mars 2000 (AS 1999 3071; BBl 1998 2591).

⁶⁴ SR 711

Art. 48

E.⁶⁵ Obligaziuns
dal concessiunari

I. En virtid da
la concessiun

1. En general

¹ A norma dal dretg chantunal fixescha l'autorità da concessiun las prestaziuns e las cundiziuns, cunter las qualas vegn concedì il dretg d'utilisaziun al concessiunari, sco taxas, tschains d'aua, cessiun d'aua e furniziun d'energia electrica, durada da la concessiun, disposiziuns davart il pretsch da l'electricità, participaziun da la communitad al gudogn, return da la concessiun e recumpra.⁶⁶

² En lur totalità na dastgan questas prestaziuns betg engrevgiar substanzialmain l'utilisaziun da las forzas idraulicas.

³ Sch'i vegnan adossadas al concurrent prestaziuns che engrevgeschan substanzialmain l'utilisaziun da las forzas idraulicas, po il departament – suenter avair tadlà il chantun – definir las prestaziuns che dastgan vegnir adossadas maximalmain al concurrent ultra dal tschains d'aua e da las taxas. En cas che las circumstanzas sa midan essenzialmain a favur dal concessiunari, po el resalvar d'augmentar las prestaziuns.⁶⁷

Art. 49⁶⁸

2. Taxas e
tschains d'aua

a. En general

¹ Il tschains d'aua na dastga betg surpassar fin la fin da l'onn 2010 80 francs per onn, fin la fin da l'onn 2014 100 francs per onn e fin la fin da l'onn 2019 110 francs per kilowatt prestaziun brutta per onn. Da quels dastga la Confederaziun incassar maximalmain 1 franc per kilowatt prestaziun brutta per garantir las prestaziuns da cumpensaziun als chantuns ed a las vischnancas tenor l'artitgel 22 alineas 3–5.⁶⁹ En la relaziun internaziunala procura la Confederaziun che mintga midada dal maximum dal tschains d'aua saja l'object d'in accord internaziunala.

^{1bis} Il Cussegl federal sutta metta a l'Assamblea federala a temp in sboz d'in decret per fixar l'autozza maximala dal tschains d'aua per il temp suenter il 1. da schaner 2020.⁷⁰

² Las ovras idraulicas che possedan ina concessiun e l'energia electrica che vegn producida da talas ovras na dastgan betg vegnir engrevgiadas da taglias spezialas. En chantuns, nua ch'il tschains d'aua maximal è fixà per lescha cun in import pli bass che l'import admiss da las prescripziuns federalas, po però vegnir incassada ina taglia chantunala

⁶⁵ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁶⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁶⁷ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁶⁸ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁶⁹ Versiun da l'emprima e da la segunda frasa tenor la cifra I 1 da la LF dals 18 da zer. 2010, en vigur dapi il 1. da schan. 2011 (AS 2010 5061; BBl 2009 1229 1255, 2010 351).

⁷⁰ Integrà tras la cifra I 1 da la LF dals 18 da zer. 2010, en vigur dapi il 1. da schan. 2011 (AS 2010 5061; BBl 2009 1229 1255, 2010 351).

speziala ch'è – ensemen cun il tschains d'aua maximal – maximalmain uschè auta sco il tschains federal.

³ Las taxas, ils tschains d'aua e las ulteriuras prestaziuns finanzialas per l'energia electrica che vegn exportada en auters chantuns na duain betg esser pli auts che tals che vegnan incassads per l'energia electrica che vegn duvrada en il chantun sez.

⁴ Ovras idraulicas che produceschan fin ad 1 megawatt prestaziun brutta èn deliberadas da pajar in tschains d'aua. En cas da prestaziuns tranter 1 e 2 megawatts è admissibel maximalmain in augment linear fin al maximum tenor l'alinea 1.

Art. 50

b. Reducziun
durant la perioda
da construcziun

¹ Durant il termin permess per la construcziun na duai vegnir incassà nagin tschains d'aua.

² Durant ils emprims 6 onns sunter la scadenza dal termin da construcziun po il concessiunari pretender ch'il tschains d'aua vegnia reduci en la relaziun respectiva da la forza idraulica propi utilisada envers la forza idraulica concedida, maximalmain però fin a la mesadad.⁷¹

Art. 51

c. Calculaziun
dal tschains
d'aua

¹ La forza brutta, ch'è decisiva per calcular il tschains d'aua, è la prestaziun brutta mecanica mesauna da l'aua, eruida sin basa da las pendenzas e da las quantitads d'aua utilisablas.

² Sco pendenza utilisabla vegn resguardada la differenza d'ateuzza dals nivels da l'aua tranter il lieu, nua che l'aua vegn retratga da l'aua publica, ed il lieu, nua che questa aua vegn restituida en la medema aua publica.

³ Sco quantitads d'aua utilisablas valan las quantitads che afflueschan effectivamain, uschenavant ch'ellas na surpassan betg la capacita maximala dals stabiliments permess en la concessiun.⁷²

⁴ Il Cussegl federal definescha las prescripziuns detagliadas per la calculaziun.

⁷¹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁷² Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

Art. 52⁷³

3. En cas da concessiuns federalas

En ils cas, nua ch'il departament surdat la concessiun, definescha el – suenter avair tadlà ils chantuns pertutgads e resguardond duidamain lur legislaziun – las prestaziuns che als ston vegnir furnidas.

Art. 52a⁷⁴

4. Taxas administrativas en cas da concessiuns federalas

Per survegliar las ovras idraulicas da cunfin e per la lavur administrativa incassescha la Confederaziun taxas.

Art. 53

II. En virtid da la lescha

¹ Il concessiunari sto metter a disposiziun a las vischnancas aua per intents publics en la dimensiun dal basegn urgent, uschenavant ch'ellas pudessan sa procurar l'aua uschiglio mo cun custs sproporziunads.⁷⁵ Ma la retratga d'aua na dastga betg disturbar seriusamain l'utilisaziun da la forza idraulica.

² En cas d'exercizis da pumpiers duai il manaschi da l'ovra idraulica vegnir disturbà uschè pauc sco pussaivel.

Art. 54⁷⁶

F. Cuntegn da la concessiun
I. Disposiziuns obligatoricas

Tut las concessiuns duain determinar:

- a. la persuna dal concessiunari;
- b. la dimensiun dal dretg d'utilisaziun concedi cun inditgar la quantidad d'aua utilisabla e la quantidad d'aua da dotaziun per secunda sco er il gener da l'utilisaziun;
- c. en cas da deviazions e d'accumulaziuns la quantidad d'aua restanta per secunda che sto vegnir observada sco er il lieu ed il gener da la registraziun;
- d. ulteriuras cundiziuns ed obligaziuns che vegnan fixadas sin basa d'autras leschas federalas;
- e. la durada da la concessiun;

⁷³ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁷⁴ Integrà tras la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁷⁵ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁷⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

- f. las prestaziuns economicas adossadas al concessiunari sco tschains d'aua, taxa per l'implant da pumpadi, cessiun d'aua e furniziun d'energia electrica ed autras prestaziuns che resultan a norma da prescripziuns spezialas or da l'utilisaziun da la forza idraulica;
- g. la participaziun dal concessiunari al mantegniment ed a la correcziun da l'aua;
- h. ils termins per cumenzar cun las lavurs da construcziun e per avrir il manaschi;
- i. ils eventuals dretgs da pretender il return e la recumpra da l'ovra idraulica;
- k. il destin dals stabiliments a la fin da la concessiun;
- l. il destin d'eventualas prestaziuns da cumpensaziun ad auters concessiunaris a la fin da la concessiun.

Art. 55

II. Disposiziuns facultativas

Las concessiuns pon er cuntegnair autras disposiziuns che talas prescrites da la lescha, en spezial:⁷⁷

- a. davart l'utilisaziun da la forza idraulica utilisada;
- b. davart la cumprova ch'in chapital da construcziun grond avunda saja avant maun e davart ils quints da construcziun ed ils quints da gestiun annuals da l'interpresa;
- c. davart la participaziun da la communitad che surdat la concessiun vi da l'administraziun e vi dal gudogn da l'interpresa;
- d.⁷⁸ davart las tariffas concernent la furniziun da l'energia electrica producida, davart l'energia electrica che sto vegnir furnida gratuitamain u per pretschs privilegiads, davart la reducziun dals pretschs d'electricitad en cas d'in gudogn pli aut, davart il provediment d'in territori cun energia electrica.
- e.⁷⁹ ...

⁷⁷ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁷⁸ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

⁷⁹ Aboli tras la cifra I da la LF dals 13 da dec. 1996, cun effect dapi il 1. da matg 1997 (AS 1997 991; BBl 1995 IV 991).

Art. 56⁸⁰

III. Contabilitad 1 Sche l'autorità da concessiun è sa resalvada dretgs che stattan en in connex cun la gestiun dal concessiunari, sco la recumpra, la participaziun al gudogn, la reducziun dals pretschs d'electricità a norma dal gudogn net, valan, sch'i mancan disposiziuns spezialas en il document da concessiun, ils princips generalis d'ina gestiun buna e preventiva per far valair quests dretgs.

2 L'autorità da concessiun ha il dretg da prender invista da la gestiun dal concessiunari, sch'ella cumprova in interess vi da quai.

3 Il medem dretg ha ella er envers terzas persunas, sch'igl è da supponer che las cundiziuns da la concessiun vegnian guntgidas cun lur agid.

Art. 57⁸¹

IV. Concessiun normala Entaifer il rom da questa lescha po il Cussegl federal determinar disposiziuns normalas per las concessiuns u per tscherts tips da concessiuns che duain servir a las autoritads da concessiun sco regla.

Art. 58⁸²

G. Durada da la concessiun La concessiun vegn surdada per maximalmain 80 onns a partir da l'avertura da l'ovra idraulica. Resalvà resta l'artitgel 58a alinea 2.

Art. 58a⁸³

Gbis. Renovaziun da la concessiun 1 La concessiun po vegnir renovada per il mument ch'ella scada u avant quest mument.

2 La dumonda da renovar la concessiun existenta sto vegnir inoltrada almain 15 onns avant sia scadenza. Las autoritads cumpetentas decidan almain 10 onns avant la scadenza da la concessiun, sch'ellas èn da princip prontas da renovar la concessiun.

3 Il pli tard 5 onns suenter la scadenza da la concessiun vegnan appliadas senza restricziun las novas prescripziuns d'aua restanta.

4 La durada maximala d'ina concessiun che vegn renovada anticipadamain vegn calculada a partir dal di da l'entrada en vigor ch'è vegni fixà cun il concessiunari. La concessiun sto però entrar en vigor il pli tard 25 onns suenter la decisiun da concessiun.

80 Versiun tenor la cifra I da la LF dals 13 da dec. 1996, en vigor dapi il 1. da matg 1997 (AS 1997 991; BBl 1995 IV 991).

81 Versiun tenor la cifra I da la LF dals 13 da dec. 1996, en vigor dapi il 1. da matg 1997 (AS 1997 991; BBl 1995 IV 991).

82 Versiun tenor la cifra I da la LF dals 13 da dec. 1996, en vigor dapi il 1. da matg 1997 (AS 1997 991; BBl 1995 IV 991).

83 Integrà tras la cifra I da la LF dals 13 da dec. 1996, en vigor dapi il 1. da matg 1997 (AS 1997 991; BBl 1995 IV 991).

Art. 59

H. Inscriziun en
il register funsil

Ils dretgs da las auas concedids per almain 30 onns pon vegnir inscrits en il register funsil sco dretgs independents e permanentes.

Art. 60

J. Procedura
da concessiun
I. En cas d'auas
chantunalas

¹ Cun reserva da las suandantas disposiziuns vegn la procedura concernent la surdada da la concessiun tras las autoritads chantunalas reglada dals chantuns.

² Las dumondas da concessiun duain vegnir publicgadas cun fixar in termin adequat, entaifer il qual i po vegnir fatg protesta cunter la surdada da la concessiun pervia da violaziun d'interess publics u privats.

³ Cun la publicaziun na dastga betg vegnir colliada la smanatscha che dretgs che n'èn betg vegnids fatgs valair a temp sajan pers.

^{3bis} La concessiun po vegnir surdada senza submissiun. La concessiun sto vegnir surdada en ina procedura transparenta ch'è libra da discriminaziun.⁸⁴

^{3ter} Per projects che sa restrenschan ad in territori limità, che concernan paucas persunas pertutgadas, cleramain identifitgables e che han tut en tut mo pitschnas consequenzas, è da prevair ina procedura simplifitgada. Sch'ils chantuns desistan d'ina publicaziun tenor l'alinea 2, procuran els che las persunas pertutgadas possian tuttina far valair lur dretgs.⁸⁵

⁴ Il Cussegl federal po determinar ulteriuras prescripziuns concernent la procedura.

Art. 61

II. En cas d'auas
interchantunalas

¹ Sche plirs chantuns vegnan pertutgads da la surdada da la concessiun, sto la procedura vegnir realisada en mintga chantun tenor sias prescripziuns.

² En cas da contestaziuns decida il departament.⁸⁶

⁸⁴ Integrà tras cifra I 1 da la LF dals 23 da dec. 2011, en vigur dapi il 1. da fan. 2012 (AS 2012 3229; BBl 2011 2901 3907).

⁸⁵ Integrà tras la cifra II 6 da l'aggiunta da la L d'energia dals 30 da sett. 2016, en vigur dapi il 1. da schan. 2018 (AS 2017 6839; BBl 2013 7561).

⁸⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

Art. 62⁸⁷

III. En cas da concessiuns federalas
1. Cumpetenzza

¹ Cun surdar la concessiun decida il departament er davart l'approvaziun dals plans ch'èn necessaris per construir u per midar stabiliments.

² La procedura da concessiun sa drizza tenor questa lescha e subsidiar-main tenor la LExpr⁸⁸.

^{2bis} La concessiun po vegnir surdada senza submitsiun. La surdada da la concessiun sto vegnir fatga en ina procedura transparenta ch'è libra da discriminaziun.⁸⁹

³ Cun la concessiun vegnan surdadas tut las permissiuns ch'èn necessarias tenor il dretg federal.

⁴ Permissiuns chantunalas e plans chantunals n'èn betg necessaris. Il dretg chantunal sto vegnir resguardà, uschenavant ch'el na restrenscha betg sproporziunadamain il concessiunari en l'adempliment da sias incumbensas.

Art. 62a⁹⁰

2. Procedura ordinaria
a. Introducziun

La dumonda da concessiun sto vegnir inoltrada cun ils documents necessaris a l'uffizi federal. Quel examinescha, sch'ils documents èn cumplets, e pretenda eventualmain cumplettaziuns.

Art. 62b⁹¹

b. Stajaziun

¹ Avant l'exposiziun publica da la dumonda sto il petent da la concessiun mussar las midadas, che l'ovra idraulica planisada chaschuna en il terren, cun agid d'ina stajaziun; en cas d'edifizis sto el metter profils.

² Objecziuns cunter la stajaziun u cunter la profilaziun ston vegnir fatgas immediatamain tar l'uffizi federal, en mintga cas però avant ch'il termin d'exposiziun è passà.

⁸⁷ Versiun tenor la cifra I 6 da la LF dals 18 da zer. 1999 davart la coordinaziun e la simplificaliun da las proceduras da decisiun, en vigur dapi il 1. da mars 2000 (AS 1999 3071; BBI 1998 2591).

⁸⁸ SR 711

⁸⁹ Integrà tras cifra I 1 da la LF dals 23 da dec. 2011, en vigur dapi il 1. da fan. 2012 (AS 2012 3229; BBI 2011 2901 3907).

⁹⁰ Integrà tras la cifra I 6 da la LF dals 18 da zer. 1999 davart la coordinaziun e la simplificaliun da las proceduras da decisiun, en vigur dapi il 1. da mars 2000 (AS 1999 3071; BBI 1998 2591).

⁹¹ Integrà tras la cifra I 6 da la LF dals 18 da zer. 1999 davart la coordinaziun e la simplificaliun da las proceduras da decisiun, en vigur dapi il 1. da mars 2000 (AS 1999 3071; BBI 1998 2591).

Art. 62^{c92}

c. Audiziun,
publicaziun
ed exposiziun
publica

¹ L'uffizi federal trasmetta la dumonda als chantuns pertutgads ed als supplitgescha da prender posiziun en chausa entaifer 3 mais. En cas motivads po el prolungar excepziunalmain il termin.

² La dumonda sto vegnir publitzada en ils organs uffizials da publicaziun dals chantuns pertutgads e da las vischnancas pertutgadas ed exponida publicamain durant 30 dis.

³ L'exposiziun publica chaschuna in scumond d'expropriaziun tenor ils artitgels 42–44 LExpr⁹³.

Art. 62^{d94}

d. Avis persunal

Il pli tard cun l'exposiziun publica da la dumonda sto il petent da la concessiun trametter a las persunas che han il dretg d'ina indemnizaziun tenor l'artitgel 31 LExpr⁹⁵ in avis persunal davart ils dretgs che ston vegnir expropriads.

Art. 62^{e96}

e. Protesta

¹ Tgi ch'è partida tenor las prescripziuns da la Lescha federala dals 20 da december 1968⁹⁷ davart la procedura administrativa u da la LExpr⁹⁸, po far protesta tar l'uffizi federal durant il termin d'exposiziun. Tgi che na fa betg protesta, è exclus da l'ulteriura procedura.

² Entaifer il temp d'exposiziun ston er vegnir fatgas valair tut las objecziuns dal dretg d'expropriaziun sco er dumondas d'indemnizaziun u da prestaziuns materialas. Protestas e dumondas posteriuras tenor ils artitgels 39–41 LExpr ston vegnir inoltradas a l'uffizi federal.

³ Las vischnancas pertutgadas mantegnan lur interess cun far protesta.

⁹² Integrà tras la cifra I 6 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da mars 2000 (AS **1999** 3071; BBl **1998** 2591).

⁹³ SR **711**

⁹⁴ Integrà tras la cifra I 6 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da mars 2000 (AS **1999** 3071; BBl **1998** 2591).

⁹⁵ SR **711**

⁹⁶ Integrà tras la cifra I 6 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da mars 2000 (AS **1999** 3071; BBl **1998** 2591).

⁹⁷ SR **172.021**

⁹⁸ SR **711**

Art. 62^{f99}

f. Rectificaziun tar l'administraziun federala

La procedura da rectificaziun tar l'administraziun federala sa drizza tenor l'artitgel 62b da la Lescha dals 21 da mars 1997¹⁰⁰ davart l'organisaziun da la regenza e da l'administraziun.

Art. 62g¹⁰¹

3. Decisiun

Cun surdar la concessiun decida il departament il medem mument er davart las protestas tenor il dretg d'expropriaziun.

Art. 62h¹⁰²

4. Procedura simplifitgada

¹ La procedura simplifitgada vegn applitgada tar:

- a. projects che sa restrenchan ad in territori limità e che concernan paucas personas pertutgadas, cleramain identifitgablas;
- b. stabiliments, dals quals la midada architectonica na mida betg essenzialmain l'aspect exteriur durant la concessiun, na pertutga nagins interess da terzas personas degns da vegnir protegids ed ha mo in effect marginal per il spazi e per l'ambient;
- c. stabiliments che vegnan puspè allontanads il pli tard suenter 3 onns.

² Plans da detagl che sa basan sin in project gia approvà, vegnan approvads en la procedura simplifitgada.

³ L'uffizi federal po ordinar la stajaziun. La dumonda na vegn betg publitgada e na vegn betg exponida publicamain. L'uffizi federal suttametta il project a las personas pertutgadas, sch'ellas n'han betg dà ordavant lur consentiment en scrit; lur termin da protesta importa 30 dis. L'uffizi federal po dumandar ina posiziun dals chantuns e da las vischnancas. Per quai fixescha el in termin adequat.

⁴ Dal rest valan las disposiziuns davart la procedura ordinaria. En cas da dubi vegn exequida quella.

⁹⁹ Integrà tras la cifra I 6 da la LF dals 18 da zer. 1999 davart la coordinaziun e la simplifitgaziun da las proceduras da decisiun, en vigur dapi il 1. da mars 2000 (AS 1999 3071; BBI 1998 2591).

¹⁰⁰ SR 172.010

¹⁰¹ Integrà tras la cifra I 6 da la LF dals 18 da zer. 1999 davart la coordinaziun e la simplifitgaziun da las proceduras da decisiun, en vigur dapi il 1. da mars 2000 (AS 1999 3071; BBI 1998 2591).

¹⁰² Integrà tras la cifra I 6 da la LF dals 18 da zer. 1999 davart la coordinaziun e la simplifitgaziun da las proceduras da decisiun, en vigur dapi il 1. da mars 2000 (AS 1999 3071; BBI 1998 2591).

Art. 62ⁱ¹⁰³

5. Procedura da stimaziun; enviament anticipà en il possess

¹ Cur che la procedura da concessiun è terminada, vegn fatga, sche necessari, la procedura da stimaziun davant la Cumissiun federala da stimaziun (cumissiun da stimaziun) tenor las disposiziuns da la LExpr¹⁰⁴. I vegnan tractadas mo pretensiuns annunziadas.

² L'uffizi federal transmita al president da la cumissiun da stimaziun ils plans approvads, il plan d'expropriaziun, la tabella d'acquist da terren e las pretensiuns annunziadas.

³ Sa basond sin ina decisiun da concessiun executabla po il president da la cumissiun da stimaziun permetter l'enviament anticipà en il possess. En quest connex vegni presumà ch'i resultian dischavantatgs essenzials a l'expropriant, sche l'enviament anticipà en il possess n'ha betg lieu. Dal rest vala l'artigel 76 LExpr.

Art. 62^k¹⁰⁵

6. Collavuraziun dals chantuns

¹ Sch'i resultan tar la construcziun da stabiliments, spezialmain da gallarias e da cavernas, quantitads considerablas da material d'exchavaziun u da stgavament che na pon betg vegnir utilisadas u depositadas en vischinanza dal stabiliment, designeschan ils chantuns pertutgads ils lieus necessari per dismetter il material.

² Sch'i n'è betg avant maun ina permissiun legalmain valaivla dal chantun pertutgà il mument ch'ils plans vegnan approvads, po il departament designar il lieu per in deposit temporar e colliar sia utilizaziun cun cundiziuns e cun pretensiuns. I valan las disposiziuns da procedura da questa lescha. Il chantun designescha entaifer 5 onns ils lieus per dismetter il material.

Art. 63^l¹⁰⁶

K. Fin da la concessiun

I. Tras recumpra

¹ Cun surdar la concessiun po la communitad autorisada da disponer sa resalvar il dretg da recumpra.

² La recumpra dastga succeder pir suenter ch'il segund terz da la durada da la concessiun è passà; ella sto vegnir annunziada almain 5 onns ordavant.

¹⁰³ Integrà tras la cifra I 6 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da mars 2000 (AS **1999** 3071; BBl **1998** 2591).

¹⁰⁴ SR **711**

¹⁰⁵ Integrà tras la cifra I 6 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da mars 2000 (AS **1999** 3071; BBl **1998** 2591).

¹⁰⁶ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS **1997** 991; BBl **1995** IV 991).

³ Uschenavant che la concessiun e ch' il dretg chantunal resalvâ en tala na disponan betg insatge auter, passan ils stabiliments – tenor l'artitgel 67 alinea 1 – tar la recumpra cunter indemnizaziun cumplaina a la communitad autorisada da disponer.

⁴ L'artitgel 67 alinea 4 è applitgabel tenor il senn.

Art. 64

II. Tras
extincziun

La concessiun extingua automaticamain:¹⁰⁷

- a. sche sia durada scada;
- b. en cas d'ina renunzia explicita.

Art. 65¹⁰⁸

III. Tras
peremziun

La concessiun po vegnir declerada da l'autorità da concessiun sco persa:

- a. sch' il concessiunari manchenta ils termins imponids ad el en la concessiun, en spezial per la cumprova da finanzas, per la construcziun e per l'avertura dal manaschi, nun ch'ina prolungaziun na pudess da raschun betg vegnir refusada pervia da las circumstanzas;
- b. sch' il concessiunari interrompa il manaschi per 2 onns e n'al prenda betg entaifer in termin adequat;
- c. sch' il concessiunari violescha – malgrà in'admoniziun – grevaim obligaziuns impurtantas.

Art. 66¹⁰⁹

IV. Conse-
quenzas da
l'extincziun
1. En general

Sche la concessiun na dispona betg insatge auter, è il concessiunari, dal qual ils stabiliments na vegnan betg pli duvrads vinavant perquai che la concessiun è scadida u estinguida, obligà da far las lavurs da segirezza che daventan necessarias, sche l'ovra idraulica chala d'exister.

¹⁰⁷ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

¹⁰⁸ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

¹⁰⁹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBI 1995 IV 991).

Art. 67¹¹⁰

2. Pervia
da return
a. En cas d'auas
chantunalas

¹ En cas dal return da las ovras idraulicas ha la communitad concedenta – nun che la concessiun fixeschia insatge auter – il dretg:

- a. da surpigliar gratuitamain ils stabiliments construids sin terren public u privat per accumular u per tschiffar, per manar natiers u per deviar l'aua, ils motors d'aua cun ils edifizis, en ils quals els sa chattan, ed il terren che serva a manar l'ovra idraulica;
- b. da surpigliar cunter ina indemnisaziun duida ils stabiliments per producir e per transportar l'energia electrica.

² Il concessiunari ha il dretg da pretender che la communitad surpiglia ils stabiliments destinads a producir ed a transportar energia electrica, sch'ella po duvrar quests stabiliments cun avantatg per utilizar vinvant la forza idraulica.

³ Il concessiunari è obligà da mantegnair en funcziun ils stabiliments ed ils indrizs ch'èn suttemess al dretg da return.

⁴ Investiziuns da modernisaziun e d'engrondiment vegnan indemnisadas al concessiunari il mument dal return, sch'el ha fatg la modernisaziun u l'engrondiment en enclegientscha cun la communitad che ha dà la concessiun. L'indemnisaziun corresponda maximalmain a la valor restanta da l'investiziun, resguardond l'amortisaziun usitada en la branscha e la midada da la valor monetara.

⁵ La communitad che ha surdà la concessiun po apportar la valor dal dretg da return en l'interpresa existenta sco quota da participaziun, sch'il concessiunari è perencletg cun quai. Ella po duvrar il dretg da return er en in'otra moda che stat en l'interess public.

Art. 68

b. En cas d'auas
situadas sin il
territori da plirs
chantuns

¹ Sch'ils trajects d'aua utilisads èn situads sin il territori da plirs chantuns, daventa l'ovra idraulica en cas dal return, uschenavant ch'ella vegn pertutgada da quest return, cumpropietad da quests chantuns. La quota dals chantuns a la cumpropietad vegn fixada tenor la proporziun, en la quala mintga chantun contribuescha a l'exploraziun da la forza idraulica.

² Sch'ils chantuns n'arriivan betg da sa cunvegner davart l'ulteriura utilisaziun e davart la quota da mintga chantun vi da tala, decida il departament (art. 6).¹¹¹

¹¹⁰ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹¹¹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

Art. 69¹¹²

3. Pervia da scadenza, peremziun u renunzia

¹ Sche la concessiun finescha tras scadenza senza return u tras peremziun u tras renunzia, restan – en mancanza d’autras prescripziuns en la concessiun – ils stabiliments construids sin terren privat al proprietari vertent, entant ch’ils stabiliments construids sin terren public van a la communitad concedenta.

² Sch’ils stabiliments sin terren public avessan da vegnir utilisads vinvant, sto la communitad pajar al concessiunari ina indemnizaziun che vegn calculada cun considerar duidamain tut las circumstanzas.

³ En cas da peremziun u da renunzia resta resalvà a la communitad il dretg da cumprar l’ovra idraulica a norma da las prescripziuns da la concessiun davart la recumpra u davart il return, e quai cun resguardar che quests dretgs pon vegnir fatgs valair anticipadamain.

Art. 69a¹¹³

V. Lavurs da midada avant la scadenza da la concessiun

Ils ultims 10 onns avant la scadenza da la concessiun sto il concessiunari far – cunter indemnizaziun cumplaina – tut las lavurs da midada, en spezial talas per modernisar e per engrondir il stabiliment, che vegnan pretendidas da l’autorità da concessiun u d’approvaziun en vista al transferiment da l’ovra idraulica ad in auter gestiunari.

Art. 70¹¹⁴

L. Disputas
I. Tranter ils giuididers

Sch’i dat disputa tranter il concessiunari ed auters giuididers davart la dimensiun da lur dretgs d’utilisaziun, decidan las dretgiras en chaussa.

Art. 71¹¹⁵

II. Tranter l’autorità da concessiun ed il concessiunari

¹ Sch’i dat disputa tranter il concessiunari e l’autorità da concessiun davart ils dretgs e davart las obligaziuns che resultan tras la relaziun da concessiun, decida – nua che questa lescha u la concessiun na determinescha betg insatge auter – en emprima instanza l’autorità giudiziala chantunala cumpetenta ed en segunda instanza il Tribunal federal.

¹¹² Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹¹³ Integrà tras la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹¹⁴ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹¹⁵ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

² Sche la concessiun è vegnida surdada da plirs chantuns, dal Cussegl federal u dal departament, decretescha il departament ina disposiziun en cas d'ina dispita. Cunter quella poi vegnir fatg recurs tenor las disposiziuns generalas da la giurisdicziun federala.¹¹⁶

Quart chapitel: Disposiziuns executivas e transitoricas

Art. 72

A. Disposiziuns
executivas
I. En general

¹ Il Cussegl federal vegn incumbensà cun l'execuziun da questa lescha; el decretescha tut las disposiziuns executivas federalas ch'èn necessarias per quai.

² El designescha tras in'ordinaziun las disposiziuns da la lescha che na vegnan betg applitgadas per ovras idraulicas pli pitschnas.

³ ...¹¹⁷

Art. 73¹¹⁸

II. Cumiissiun da
l'economia d'aua

Per preparar e per giuditgar dumondas e fatschentas dal sector da l'economia d'aua nominescha il departament ina cumissiun; sias cumpetenzas e sia organisaziun èn da determinar tras in'ordinaziun.

Art. 74

B. Disposiziuns
transitoricas
I. Effect
retroactiv

¹ Ils artitgels 7a, 8, 9 e 12–16 sco er il segund chapitel valan per tut ils dretgs da las auas existents.¹¹⁹

² Dal terz chapitel valan per dretgs da las auas concedids avant ils 25 d'october 1908 mo las disposiziuns davart il disturbì d'ina ovra idraulica tras edifizis publics (art. 44), davart il dretg d'expropriaziun (art. 46 e 47), davart la cessiun d'aua per intents publics (art. 53) e davart la decisiun en cas da dispitas (art. 70 e 71). Sch'i èn dentant vegnidas u sch'i vegnan però anc concedidas suenter quest termin novas forzas idraulicas ad in possessur d'ina ovra idraulica pli veglia, vala la lescha preschenta er per las prestaziuns periodicas che ston vegnir pajadas per questas forzas idraulicas.

¹¹⁶ Versiun tenor la cifra 67 da l'aggiunta da la LF dals 17 da zer. 2005 davart il Tribunal administrativ federal, en vigur dapi il 1. da schan. 2007 (AS **2006** 2197 1069; BBl **2001** 4202).

¹¹⁷ Aboli tras la cifra 67 da l'aggiunta da la LF dals 17 da zer. 2005 davart il Tribunal administrativ federal, cun effect dapi il 1. da schan. 2007 (AS **2006** 2197 1069; BBl **2001** 4202).

¹¹⁸ Versiun tenor la cifra II 4 da l'aggiunta da la LF dals 22 da mars 2002 davart l'adattaziun da disposiziuns d'organisaziun dal dretg federal, en vigur dapi il 1. da favr. 2003 (AS **2003** 187; BBl **2001** 3845).

¹¹⁹ Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS **1997** 991; BBl **1995** IV 991).

3 ...120

^{3bis} L'artitgel 49 alinea 1 vala, uschenavant ch'i na vegnan violads nagins dretgs bain acquistads.¹²¹

4 L'artitgel 50 na vegn betg applitgà per dretgs da las auas ch'èn vegnids concedids a partir dals 25 d'october 1908 fin a l'entrada en vigur da questa lescha.

5 ...122

Art. 75

II. Mesiras
executivas
dals chantuns

1 Entaifer in termin che vegn fixà dal Cussegl federal ston ils chantuns decretar las disposiziuns executivas necessarias ed endrizzar il register dals dretgs da las auas per lur territori.

2 Els pon far quai tras in'ordinaziun.

3 Ils dretgs ch'existan gia ston vegnir eruids cun ina procedura da clamada, cun la quala po vegnir colliada la consequenza che dretgs betg annunziads van a perder u vegnan supponids sco betg existents.

Art. 75a¹²³

III. Disposiziuns
transitoricas da
la midada dals
18 da zercladur
1999

Il dretg da procedura vegl è applitgabel per:

- a. dumondas da concessiun ch'èn pendentas dapi 2 onns u pli ditg;
- b. dumondas da construcziun pendentas;
- c. dumondas da construcziun per stabiliments ch'èn necessarias per exequir ina concessiun surdada tenor il dretg da procedura vegl, sch'ellas vegnan inoltradas entaifer 10 onns suenter l'entrada en vigur da questa midada;
- d. recurs pendants.

Art. 76

Il Cussegl federal fixescha il termin da l'entrada en vigur da questa lescha.

Data da l'entrada en vigur: 1. da schaner 1918¹²⁴

¹²⁰ Aboli tras la cifra I da la LF dals 13 da dec. 1996, cun effect dapi il 1. da matg 1997 (AS 1997 991; BBl 1995 IV 991).

¹²¹ Integrà tras la cifra I da la LF dals 8 d'oct. 1976 (AS 1977 171; BBl 1975 II 2138). Versiun tenor la cifra I da la LF dals 13 da dec. 1996, en vigur dapi il 1. da matg 1997 (AS 1997 991; BBl 1995 IV 991).

¹²² Disp. trans. senza object.

¹²³ Integrà tras la cifra I 6 da la LF dals 18 da zer. 1999 davart la coordinaziun e la simplificaziun da las proceduras da decisiun, en vigur dapi il 1. da mars 2000 (AS 1999 3071; BBl 1998 2591).

¹²⁴ COCF dals 20 d'avr. 1917.

